

Ketane ya boleng ya NWU



Ka 2023, kgang ya rona ya go bopa boleng e ne e le ka ga go maatlafatsa batsayakarolo ba rona le go ba tsamaisa mo loetong lo lo gwethang mme e le lo lo itumedisang go bona bogolo jo bo senang meelwane.

Fa tseleng, re ne ra sekaseka dikgato tse nne tsa mmatlolo wa kgwebo ya rona le ketane ya boleng ya rona: ditsenngwateng tsa rona, ditiro, dipholo le dipoelo.

Mo kगतong nngwe le nngwe, re ne ra fitlhelela, ra dirisa le go fetola matlole a rona. Ka sekao, jaaka karolo ya ditsenngwateng tsa rona, re dirisitse motswedi ya rona ya lotseno (letlole la tsa ditšhelete), badiri ba ba nang le bokgoni (bokgonibadiri), dikago le didiriswa (motswedi wa ditlhagiso) le mananeothuto a akatemi (motswedi wa bothale) go tlhola boleng mo baithuting ba rona (bokgonibadiri).

Baithuti ba rona ke bajanala mmogo le rona mo go batleng go bulela rona le batho ba re ba kगतlhegelang dilo tse dikgolo tse di sa feleng. Ka go ba dira karolo e e bothokwa ya ketane ya rona ya boleng, re thusa baithuti ba rona go nna batho ba ba akanyang ka tsenelelo le batlisa diphetogo (tlhagiso ya rona) ba ba feletsang ba tsena mo mmarakeng wa ditiro le mo setšhabeng jaaka batho ba ba tlišang boleng ka bobone (dipoelo tsa rona).



Bannaleseabe ba bangwe le bone ba solegelwa molemo ke go batla bogolo ga rona. Ka go dirisana le setšhaba le go dira dipatlisiso, re ama matshelo a batho, re bona ditharabololo tsa mathata a matshelo a mmatota le go tokafatsa lefatshe.

Mo puisanong e e latelang ya ketane ya rona ya boleng, o tla bona gore re dirisa jang matlole a rona a a farologaneng jaaka ditsenngwateng mme, ka ditiro tsa rona, re di fetole go nna dipholo le dipoelo.

Setsenngwa: Beeletsa mo bogolong jo bo ka nngang teng jwa batho

Baithuti ba rona

Baithuti ba rona ke setsenngwa sa bothokwa mo ketaneng ya rona ya boleng. Lenaneothalo le le fa tlase le bontsha tlhamo le bogolo jwa baithuti ka 2023 fa go bapisiwa le 2022:



Basadi: 62,85%



Banna: 37,15%



Basadi: 63,49%



Banna: 36,49%

Go beeletsa mo baithuting ba rona

Morago ga thulaganyo e e tseneletseng ya patlo ya baithuti, re ne ra amogela dikopo tse di fetang 181 000, tse mo go tsone bakopi ba le 43 000 ba neng ba na le maduo a a fetang 30 (APS).

Dikantoro tsa thuso ya madi tsa NWU di ne tsa tsamaisa dibilione di le R2,814 ka thuso ya madi ka 2023. Matlole a puso a ne a dira 80% ya seno mme NWU e ne ya thusa ka dimilione di le R250 (9%). 11% e e setseng e ne e tswa kwa metswedeng e mengwe ya kwa ntle.

Baithuti ba rona ba amogela tshegetso e e tsweleng le e e tsepameng ya thuto le e e seng ya thuto, go ba tlhomelela gore ba atlege.

Go bona tshedimosetso go ya pele ka ga ditiro tsa rona tsa go thusa baithuti mo dithutong tsa bone, leba mo karolong ya go oketsa phitlhelelo le katlego ya baithuti.

Badiri ba ronal

Setsengwa se se bonalang mo ketaneng ya rona ya boleng ke tlaletso ya rona ya badiri.

Lenaneothalo le le latelang le bontsha gore palo ya badiri ba rona ba leruri ba akatemi e bapisiwa jang le ya ditheo tse dingwe tsa thuto e e kwa godimo tsa Aforikaborwa (Tweetswee ela tlhoko gore seno se ikaegile ka tshedimosetso ya HEMIS ya 2022 e e tlathobilweng):

| Setheo: | Palogotlhe |
|---------------------------------------|--------------|
| Yunibesiti ya KwaZulu-Natal | 1 176 |
| Yunibesiti ya Cape Town | 1 192 |
| Yunibesiti ya Witwatersrand | 1 211 |
| Yunibesiti ya Pretoria | 1 269 |
| Yunibesiti ya Stellenbosch | 1 295 |
| Yunibesiti ya Johannesburg | 1 328 |
| Yunibesiti ya Bokone-Bophirima | 1 678 |
| Yunibesiti ya South Africa | 1 823 |

Go beeletsa mo badiring ba rona

Ka 2023, re ne re na le badiri ba leruri ba le 4 236, ba ba akaretsang baakatemi ba le 1 678 le badiri ba tshegetso ba le 2 544.

Mo ngwageng otlhe, re beeditse mo go tokafatseng bokgoni, boitekanelo le go tokafatsa tiro ya batho ba rona.

Jaaka 4IR le 5IR di fetola lefelo la tiro, ditsereganyo tse dintsi tsa tlhahololo ya badiri di ne di lebagane le go aga bokgoni jwa dijithale jwa NWU's Digital Transformation Strategy.

Ka tsamaiso ya ngwaga le ngwaga ya tlhatloso ya baakatemi, go ne ga amogelwa dithatloso di le 161 tsa baakatemi, e leng tse 46 go feta tsa 2022. Badiri ba akatemi ba bantsho ba ne ba dira 40% ya dithatloso tseno, go tswa go 33,7% fela ka 2021.

Go ralala maemo otlhe a thuto, basadi ba bantsho ba itemogetse palo e e kwa tlase thata ya dithatloso mo dingwageng tse nne tse di fetileng, mme re gagamatsa maiteko a rona go aga tsela ya go tlhatlosiwa ga bone.

E re ka NWU e ineetse mo maitsholong a tlhokomelo mo go sengwe le sengwe se e se dirang, e ne ya tswela go baya tikologo ya tiro e e tlhokomelang le e e tshegetsang kwa pele. Re simolotse leano le le kopaneng la go bega ka boitekanelo le botsogo le le akaretsang go bega go go kopaneng ga batlamedi ba ditirelo tsa boitekanelo ba NWU, Boitekanelo jwa Badiri, inšorensense ya botshelo ya setlhopho le dithuso tsa kalafi. Eno ke tsela e e nonofileng ya go sekaseka mekgwa ya go dira dithshwetso le ya go dira dithulaganyo tsa go thusa batho ka tsela e e rileng.

Bogolo jo bo senang melelwane

➤ Re batla gore basadi ba atlege jaaka baeteledipele

Baeteledipele ba basadi ba bopa maemo a thuto e e kwa godimo lefatshe ka bophara. NWU, e e leng karolo ya mokgwa ono, e thankgolotse lenaneo la yone la ntlha la Basadi mo Boeteledipelong ka 2023.

Maikaelelo ke go tlaola le go godisa basadi ba ba nang le bokgoni jo bo kwa godimo, go netefatsa gore go na le tlamelo ka monokela ya bontlhopheng ba ba tshwanelegang ba maemo a boeteledipele. Lenaneo le gape le ikaelela go tswala mokhino wa bong mo lephateng la ditalente le go nolofatsa thulaganyo ya nako e telele ya tlathilhamano.



Maloko a bareetsi ba reetsa fa mongwe wa dibui a ba rotloetsa gore ba tlhomelela ka kitso, ba tseye taolo ya boiphediso jwa bona mme a nne bone ba ba nang le pono e e tsamaisang diphetogo.

Thuso-matlole jaaka setsenngwa

Thuso-matlole ya Patlisiso

Thuso-matlole ya patlisiso e e ka nnang dimileone di le R103 e amogetswe ka 2023 go tswa go National Research Foundation (NRF) le South African Medical Research Council. Lenaneothalo le le fa tlase le bontsha palo le boleng jwa dithuso tsa kwa ntle tse di abetsweng NWU ka 2022 le 2023.

| Lenaneo la kabelo | 2022 Nomoro ya diawate | 2022 Palogotlhe | 2023 Nomoro ya diawate | 2023 Palogotlhe |
|---|---------------------------|--------------------|---------------------------|--------------------|
| Thuso-matlole ya SAMRC | 6 | 3 021 613 | 26 | 2 082 501 |
| Thuthuka | 24 | 2 687 136 | 22 | 1 916 295 |
| Dikabo tse dingwe tsa baamogela dikabo | 186 | 34 225 887 | 222 | 38 962 439 |
| Dibasari tse di golagantsweng le moamogela kabo | 21 | 2 348 333 | 16 | 2 620 000 |
| Dikabelo kakaretso | 2 | 360 000 | 0 | 0 |
| Dibasari tse di ikemetseng | 351 | 49 270 027 | 343 | 53 714 262 |
| Dibasari tse di ikemetseng tsa morago ga kalogo ya bongaka | 12 | 2 950 000 | 12 | 2 896 250 |
| Thuso-matlole e e ikemetseng ya morago ga kalogo ya bongaka | 12 | 590 000 | 12 | 674 998 |
| Dibasari tsa baithuti tsa SKA | 1 | 144 700 | 2 | 365 354 |
| Didiriswa tsa baithuti tsa SKA | 0 | 0 | 0 | 0 |
| Dikabelo tsa keto ya baithuti tsa SKA | 0 | 0 | 0 | 0 |
| Palogotlhe | 615 | 110 497 696 | 655 | 103 232 099 |

Mo phetogong e kgolo ya thuso-matlole, dibasari tse di golagantsweng le moamogela kabo le dibasari tsa kabelo kakaretso di a fedisiwa. Baithuti ba tla amogela fela dibasari tse di ikemetseng mo isagweng.

Thuso-matlole ya tshutiso ya thekenoloji le poposešwa

Go tsheditswe diporojeke di le tharo fela tsa poposešwa ka 2023, porojeke e le nngwe ya pele ga peo le diporojeke di le pedi tsa Thuso-matlole ya Peo ya Setheo sa Poposešwa ya Thekenoloji (TIA).

Tshedimosetso e e oketsegileng ka ga maiteko a rona a go oketsa thuso-matlole ya dipatlisiso e ka bonwa fa tlase ga Maikaelelo a marataro go itse ka ga togomaano ya rona.

Thuso-matlole ya boditšhabatšhaba

NWU e amogetse dimilione di le R38,9 ka thuso-matlole ya boditšhabatšhaba ka 2023, e leng tokafalo e kgolo go feta dingwaga tse di fetileng. Lenaneothalo le le fa tlase le bontsha thuso-matlole ya boditšhabatšhaba e e amogetsweng ke legoro lengwe le lengwe.

| Thuso-matlole ya boditšhabatšhaba ya patlisiso | 2021 Ya boammaaruri e e tlhomamisitsweng ke magoro (R) | 2022 Ya boammaaruri e e tlhomamisitsweng ke magoro (R) | 2023 Ya boammaaruri e e tlhomamisitsweng ke magoro (R) |
|--|---|---|---|
| Legoro la Disaense tsa Ikonomi le Tsamaiso | 1 334 758 | 703 261 | 0 |
| Legoro la Thuto | 290 082 | 0 | 434 228 |
| Legoro la tsa Setho | 3 657 783 | 3 418 090 | 3 490 006 |
| Legoro la Boenjenere | 360 170 | 2 220 050 | 0 |
| Legoro la Disaense tsa Pholo | 13 343 911 | 10 798 764 | 21 674 775 |
| Legoro la Disaense tsa Tlhago le Temothu | 12 623 339 | 9 985 580 | 12 844 763 |
| Palogotlhe | 28 808 147 | 23 707 655 | 38 893 772 |



Ditirwana: Kaela batho gore ba bone bogolo jwa bone jo bo senang selekanyo

Ditirwana tsa go ruta le go ithuta

Mmotlolo wa rona o mošwa wa Go Ruta-Go Ithuta (TL) o dirisa kgopolo ya HyFlex mo setheong sotlhe, o lebisitse thata mo moithuting jaaka ntlhakgolo. Go tsennngwa tirisong ga NWU Student, tsamaiso e ntšwa ya tshedimisetso ya baithuti, ke karolo ya seno.

Thuto ya boloko, e mo go yona baithuti ba nang le tšhono ya go tlhoma mogopolo mo diporojekeng tsa setlhopha, e ne ya dirisiwa ka katlego mo magorong a Disaense tsa Ikonomi le Botsamaisi, Boenjeneri le mo go la Disaense tsa Pholo.

Re tswelotse ka go lekalekanya mananeo a thuto.

Go bona tshedimisetso go ya pele, leba karolo e e buang ka tsela e re ileng ra diragatsa leano la rona ka yone le go oketsa letlotlo la rona la botlhalefi.

Phitlhelelo e kgolo ya baithuti le katlego

Ka Phatwe 2023, re simolotse tsamaiso e e rulagantsweng ya go fetolela tshedimisetso go tswa mo FYN (setsha sa Maitemogelo a Ngwaga wa Ntsha mo eFundi) go ya mo Setswaneng le mo Seafortikanseng, ka maikaelelo a go oketsa go akaretsa baithuti botlhe. Palogotlhe ya baithuti ba ngwaga wa ntsha ba le 10 070 e ne ya dira maeto a le 83 406 a boithaopo kwa FYN.

Re tswelotse go tshetsetsa baithuti ka tlhokomelo ya balekane, tlhabololo ya thuto ya go buisa, thuto ya tlaletso le go dirisa sedirisiwa sa First Year Navigator.

Go rotloetsa thuto e e tsweleng

Thulaganyo ya tsamaiso ya khoso e khutshwane e e itirisang ka botlalo e ne ya simololwa ka Moranang 2023, e naya batsayakarolo tsela e le nngwe e e sireletsegileng ya go laola thulaganyo ya bone go tloga ka go dira kopo go fitlha ka go newa setifikeiti. Seno se akaretsa dituelo tsa mo inthaneteng le batlamedi ba dikadimo ba ba tsenyeleditsweng ba kwa ntle ba ba fokotsang kotsi ya gore NWU e nne le dikoloto tse di sa siamang. Gape e dira gore batsayakarolo ba le bantsi ba kgone go tsenela dithuto tse dikhutshwane tse di nang le mekgwa e e farologaneng ya go duela.

Go tlhoma mogopolo mo go tlhabololeng thuto le tiro

Ka 2023, re ne ra tthagisa Lenaneo la Thuto e e Tsweleng ya Boporofešenale (CPL) go baakatemi le badiri ba seporofešenale ba ba lebeleletsweng, go lebilwe thata maAforika a mantshonyana a Aforikaborwa le badiri ba basadi.

Mo godimo ga moo, baakatemi ba le 1 865 go tswa mo magorong otlhe a le robedi le badiri ba ba nang le bokgoni ba ne ba nna le seabe mo diwebinareng, mo dikokoanong tsa go tlhabana botlhale le mo dikatisong tsa mo inthaneteng.

Basadi ba le lesome le botlhano ba barutegi ba ne ba tsaya karolo mo dithutong tsa Basadi mo Boeteledipeleng.

Ditirwana tsa patlisiso

Bontsi jwa dipatlisiso kwa Yunibesiti bo ne bo dirwa ka ditlamo tsa rona tsa patlisiso di le 60, tse di akaretsang Ditulo tsa Patlisiso di le robedi, ditlamo tsa patlisiso tse di tshwarwang di le robedi, le Disenthara tsa Botswere di le tlhano, gareng ga tse dingwe.

Ka 2023, ditlamo di le 10 tsa patlisiso di ne tsa sekasekwa ka katlego kwa ntle, mme ditlhotlhomiso di le pedi di ne tsa busediwa morago go 2024.

Maemo a ga jaana a patlisiso ya NWU a bontshiwa mo sethalong se se latelang:





Dipoelo: Go tthagisa batho ba ba akanyang ka tsela e e tseneletseng ba ba nang le tebelopele le ponelopele


Dipoelo tsa Go ruta le go ithuta

Mo baithuting ba e leng la ntlha ba tsena, palo ya ba ba tlogelang dithuto ba didikerii tsa kgoлагano e ne ya fokotsega go tswa go 10% ka 2022 go ya go 9% ka 2023 mme e sa ntse e le kwa tlase fa e bapisiwa le maemo a a tlwaelegileng mo lekaleng leno.

Le fa go ntse jalo, palo ya baithuti ba ba ileng ba fetsa didikerii tsa bone ka nako e khutshwane e ne e le kwa tlase fa e bapisiwa le ya 2022.

Go ne ga nna le tokafalo e nnye mo rašiong ya baithuti go badiri ba akatemi, ka leloko le le lengwe la badiri ba akatemi le le neng le le teng mo baithuting ba le 28,59 ba ba lekanang le ba nako e e tletseng.

Kerafo e e latelang e bontsha palo ya baalogi ka go latelana ga dithuto tsa 2022 le 2023:



Lenaneothalo le le latelang le bontsha gore dipalo tsa rona tsa baalogi di bapisiwa jang le tsa ditheo tse dingwe tsa thuto e e kwa godimo tsa Aforikaborwa (go ya ka tshedimosetso ya HEMIS ya 2022 e e tlathhobilweng):

| Setheo: | Palogotlhe |
|---------------------------------------|---------------|
| Yunibesiti ya Bokone-Bophirima | 13 735 |
| Tshwane University of Technology | 15 271 |
| Yunibesiti ya Johannesburg | 12 128 |
| Yunibesiti ya Pretoria | 13 553 |
| Yunibesiti ya South Africa | 54 273 |

Diawate tsa go ruta le go ithuta

Go ne ga nna le koketsego e kgolo mo palong ya barutegi ba ba tsayang karolo mo tsa maisong ya Diawate tsa go Ruta.

Ka kakaretso, batsayakarolo ba le 161 ba tsere karolo gotswa kwa dikhamphaseng tsotlhe ka boraro. Awate ya Legoro ya Thuto e nnile le botsayakarolo jo bo kwa godimo, ka bontlhopheng ba le 114.

Awate ya ntlha ya Thuto ya Setlhopha e amogetse di neelo tse di gaisang, e leng se se bontshang katlego ya yona jaaka karolo e ntšwa.



Monongwaga baamegi ba Awate ya Bokgoni jwa go Ruta kwa Yunibesiti (UTEA) e ne e le Mop Mignon van Vreden wa Legoro la tsa Setho le Ng Viné Petzer wa Legoro la Thuto.

Dipoelo tsa patlisiso

Boleng le bontsi jwa patlisiso kwa NWU bo tswelela go tokafala, jaaka go bontshitswe mo lenaneothalo le le latelang:

| | 2020 | 2021 | 2022 |
|---|------------|-----------|-----------|
| Diathikele tsa dijenale | 1 264,32 | 1 366,3 | 1 342,10 |
| Ditsamaiso tsa khonferense | 38,84 | 66,9 | 91,5 |
| Dibuka le dikgaolo | 233,43 | 222,90 | 272,6 |
| Palogotlhe ya dilekani tsa diathikele tse di gatisitsweng. | 1 536,59 | 1 656,1 | 1 706,2 |
| Didikerii tsa Mmasetase tse di neetsweng | 722 | 698 | 695 |
| Dipatlisiso tsa Mmasetase | 521,605 | 509,962 | 519,076 |
| Dipatlisiso tse di lekotsweng go lekana go nna tsa mmasetase | 521,605 | 509,962 | 519,076 |
| Didikerii tsa bongaka tse di neetsweng | 251 | 264 | 213 |
| Dipatlisiso tse di lekotsweng go lekana go nna tsa bongaka | 753 | 792 | 639 |
| Palogotlhe ya dipholo tsa patlisiso tse di lekantsweng | 2 811,1914 | 2 958,062 | 2 864,276 |
| Baakatemi-bagolo ba morago ga kalogo ya bongaka | 215 | 212 | 205 |
| Diyuniti tsa kgatiso ka leloko la leruri la badiri ba akatemi | 0,93 | 0,99 | 1,02 |

* *Tsweetswee ela tlhoko gore go na le go salela kwa morago ga dingwaga ts pedi malebana le dipoelo tsa patlisiso.*

Dikabo tsa NWU tsa Botswana jwa Patlisiso le Poposešwa

Kwa Diawateng tsa ngwaga le ngwaga tsa Botswana jwa NWU ka Ngwanatsele 2023, dikabo di ne tsa ajwa mo ditlhopheng tse di farologaneng, go akaretse le Awate ya Motlatsa-Mokanseleri, le diawate tsa babatlisisi ba bagolo le ba ba satswang go tlhagelela ba ba nang le mosola thata, dipoelo tse di botlhami le batlhami ba bagolo.



Mop Ruan Kruger go tswa kwa Legorong la Disaense tsa Pholo o ne a thophiwa jaaka Mmatlisimogolo yo o Mosola go Gaisa

Dipoelo: Go humisa setšhaba ka go latelela ga rona bogolo jo bo sa khutleng

Digoke tsa ntlha mo ketaneng ya rona ya boleng ke ditsenngwateng le ditirwana tsa rona, jaaka go tlhalositswe mo dikarolong tse di fetileng tsa ripoto eno. Kgato e e latelang ya ketane ya boleng e na le dipoelo tsa rona, tse di ikaeletseng go bopa boleng jwa nako e telele.

Go tlhoma mogopolo mo isagweng gono go raya gore bokgonitswelelopele ke nthakgolo ya dipoelo tsa rona. Fa re sena go tsibogela ditlhokego tsa ka bonako le tsa pakagare, go tshwanetse ga nna le matlole a a lekaneng a a setseng a a ka dirisediwang go tlhola boleng mo isagweng.

Go tsetsepela mo go tsa ditšhelete ke sekao se se siameng sa poelo e e tshegetsang bokgonitswelelopele jwa rona. Fa NWU e tsetsepetse mo go tsa ditšhelete, re kgona go thagisa dipoelo tse dingwe, jaaka go thagisa baalogi ba ba nang le bokgoni go tokafatsa ikonomi ya kitso ya naga.

Tlhagiso ya rona ya patlisiso le yona ke poelo. E maatlafatsa leina la rona (poelo e nngwe) gore re kgone go ngoka banetetshi ba boleng jo bo kwa godimo, re tswelole pele go aga bokgonibadiri le go thomamisa tswelopele ya rona mo isagweng.

Mo godimo ga moo, karolo ya boraro ya kgwebo ya rona ya konokono, e e leng go nna le seabe mo setšhabeng, e dira dipoelo ka go naya batho maatla a go tokafatsa matshelo a bone ka tsela e e tla ba solegelang molemo.

MOP BISMARK TYOBEKA
MODULASETULO WA SENATE

